

## ĀDUNIYA KULU BORO DAAMA BEIYANIYOM

### SENNI ZIIGO

Ka simma nna buricinitere ka n boro ɲwene iyaali bei nna daama duuri ka boro fo su hini ka hoɲu n se ya bara boɲo duuri nna laakari kaniyom āduniya kuna,

Ka simma nna ka boro daama duuri bara hei fo ka sariya hima a ma ceruma ka boro morani nna tilaasi guruje nna meiyom berekete nna kwene boro futu,

Ka simma nna naane ka āduniya zamaa sariya nyâ dam daama duuri ga buricinitere nna boro jirima boɲo nna kwene daama ka a gono weiboro nna haruboro ciyom afo gonouom kuna,

Ka simma nna ka bine a hima go rɔkasine hennɔ ma gono ganna nna ganna ɲmaaniyo binni n hãnu kulu moɲjine kweiyom dirɔu ga,

Ka simma nna ka āduniya zamaa diya mariga beeri, tabataniyom mefo ceejiyom ka n baa āduniya ganna zamaa kulu ma to daama duuri hini ga nna a zaamani safu ɲwaani ɲwaani ka n damyom nna daama duuri ko ga a jirimani ko beiyom tɔntɔni ceeji a boɲo,

Ka simma nna ka āduniya zamaa marga beeri tutu ka ɲayo ba mee cineyo kulu cii kawa boro ɲwene āduniya daama duuri hini ga,

Ka simma nna ka meecineyo cimaniyo ya ba nam daama duuri gweiyom ma dira dei-dei,

āduniya zamaa marigã beiyani boro ɲwene daama duuri ādininya kuna gwei cirici ka a hima zaamani an kokari kã ci teente n ɲmaare ba mani za couyom hini kuna beiyom ceejiyom, ga, boro kulu ma mee cine di ci a ɲwene ganna zamaayom kulu mo ma duwa ka geeri tila cirici wo ga. Za ganna ɲmaani ɲmaaniyom kuna hali an to āduniya zama kulu.

### ASARIYA SINTE (1)

Aduniya kuna n gu ibuna damayo hei no dei-dei nn daama nna n burucinitere fo, n lasabu nna laakari ya nam nn mo huro cere kuna nyanze tere boɲo.

### ASARIYA HINKANTE (2)

Baa mei hima a ma gonna daama nna boɲo meiyom zaɲa ka daama bei beiyaniyom mee cine na a siriyani dimi fisɔu yo ma sii. A sii nna n ma ci wo no gaa kwaare wo no gaa bii wo no weiboro wo no haruboro.

A sii nna cine fisɔuyom; a sii nna adiini fisɔuyom a bine sii nna siyasa fisɔuyom.

### ASARIYA HINZANTE (3)

Boro kulu gonna hunayom nna boɲo meiyom nna boɲo naaneyom daama.

### ASARIYA TAACINTE (4)

Boro fo na hima an ci boro fo se tam dee bine n ma mooriya berekete. A ganna no n hoɲu tamtere nna mooriyayom berekete ba hini fo ga.

### ASARIYA GUNTE (5)

N su boro fo wahalani, n su ga ceenani n bine su ga kamani.

### ASARIYA IDDUNTE (6)

Sariya ganna baa mani boro gono a hima an saria ganna.

### ASARIYA IYENTE (7)

Iri kulu afo sariya moɲjine ya no bine sariya di gu iri kulu ceruma.

### ASARIYA AIYAAKUNTE (8)

Batume gono bamei se dɛe boro na sariya daali n ma cee goosi sariyayo di moɲjine ka yii ko beiyom.

### ASARIYA EGANTE (9)

Hini sii boro fo se a ma hacine dii ka daabu ɔu a ma gei, dee bine a ma kaa kwaara ka na cii taalifo boɲo.

### ASARIYA WEINTE (10)

Hini gono bamei se an goosi ce; goosi ka a ba hini ka a no cimi ɔu a ma tãgarani a daama nna a tilasi boɲo.

#### ASARIYA WEICINIFONTE (11)

Ba n taali damyom nga se goosi ma a ciba n faaba kwe yo majine n ma du ka n ci taali kwe.

A sii na n ma boro no taali daa fo boro ka sariya dom na a jisi. Ya no bine hãga gunguyom ka a bisa sasariya sii. Sariya zaka ya hima hãga gunguyom.

#### ASARIYA WEICINI HINKANTE (12)

Boro fo su mee dam boro fuu senni kuna berekete. Ya no bine boro fo sii nna a ma haɗasine jirima zobu. Sariya bamei ceruma nna alaamari zaɗa yayo.

#### ASARIYA WEICINI HINZANTE (13)

Daama gono bamei se a ma kwei nuɗu ka a baa kulu.

A ma goɗo kwaara ka a sawayom a se a ma tunu saa ka a bine baa.

#### ASARIYA WEICINI TAACINTE (14)

Bamei ka sanani na n gaari n kwaara kuna daama gono n se n ma gana kwaara ɗwaani ka hini ceeji n ma n ta yoo.

Daama di su go n daabu dee a bara nna boro wii ɗu bine daa berekete fo yo ka ɗduniya zamaa mariga beeri hoɗu.

#### ASARIYA WEICINI GUNTE (15)

Bamei kulu hima a ma gonna dimi.

N su hini ka hoɗu boro se a dimi takii boro.

#### Asariya weicini idunte (16)

Dee boro ka to balaga a sii nna ma dimi nna adiini fisɗu wei nna haru se domi daama fo di no n kulu gonna za n hiije waati hali n fefeyom saa.

N su hini ka hiije hoɗu ka a na ci nna n boro hinka kulu bakasine.

Iyaali ya bara zaamani safu ci cirici a ganna no gominanti ga a ceruma.

#### Asariya weicini iyente (17)

Bamei, n boɗɗo fo no, noo zamaa no, daama gono wo gonna duuri.

A sii n ma boro gaɗa a duuri takii boro.

#### Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n boro fo ɗu noo zamaa ko ga loo zaɗa ka a sawa noo se.

#### Asariya weicini egante (19)

Bamei kulu gonna lasabu nna senni daama. A se ganna no boro su ba heifo senni ɗu lasabu ko dirigoyom hei ka a bine ba senni kulu hini ka sei ba mani.

#### Asariya warankante (20)

Bamei kulu gonna kummayom nna igwe kuna gonoyom daama.

N su boro tilasi igwe fo kuna wuroyom.

#### Asariya waranka cinifonte (21)

Bamei gonna daama a ma wuro a kwaara senni kuna a boro ɗu a barani ka a fisɗu.

Bamei kulu afo boro gonna daama a ma gwei te a kwaara gominanti se.

Hei ka zamaa zaa ya bara kwaara yiiko. Zaayom di mo bara ka nna a tete biri.

#### Asariya waranka cini hinkante (22)

Ni ka kulu n gono zamaa kuna hima no n ma gonna zamaa di naane daama. A ma du ko bara n bukaata mo biyayom zaa almani nna taadayo daama duuri hini ga heiyo wo kulu nna kwaara zaama gaabi nna bine goɗo ka sine heinno kwarayo ɗwene alkawali hini ga. Ka simma nna zaɗa ka mete yaasi kwaara fo fo na ɗwene almani siriyani.

Asariya waranka cini hinzante (23)

Bamei gonna daama a ma gwei ka ɗ baa fisou. Ya no bine n ga a ceruma nna gwei zaŋei.

Bamei munaafinsi baasi gonna gwei ka n te banayom daama.

Ni ka n gwei te kulu gonna banayom dei-dei daama ka a ba to ni n ma n ɗwene iyaali koto nna beere boŋo.

Bamei gonna daama a ma gweiteeriyo zogi taayom igwe safu jisi a bine ba hini ka a boŋo dam a fo ɗwaani ku na a boŋo bukaata fansayom ganna.

Asariya waranka cini taacinte (24)

Bamei gonna gwei hinanzobu nna hoore daama gwei keiyaniyom zaka nna gwei hinanzobu kuna banayom saa nna saa.

Asariya waranka cini gunte (25)

Bamei gonna jisiri daama ka a ba hini ko ga ɗwene alaafia nna a iyaali kulu ceruma nna, zaa ɗwaari, taafe, fuu nna baabuyom. Dee a bara sariti ya du ni ɗu bine gwei ya sara musiiba ya na n zeeri, zeene no, dee bine arooba fo ka a na ci n saabu a bara tilasi n ma duwa tee mako daama.

Wei kunu kweiyo, koo ɗweɗayo gonna tee mako nna kulayom daama. Koo kulu ka nna hei hiije boŋo, ka du ka nam ɗa ka n hei hiije si boŋo nn kulu gonna kulayom daama.

Asariya waranka cini idunte (26)

Bamei gonna couyom daama. Couyom di ma du ka bara tilasi faala boŋo za coubugu ceene ka kwei sasa wanteyo kammee gwei dendeniyom coubugu ɗa cere hima n ma feeri bamani. Coubugu beeri n ma ɗa feeri nuɗu ka a hima.

Couyom di ma bara heifo ka a moɗ feeriyom nna jiri ma nufi daama duuri hini ga a ma ci saabu suuru nna kwaasitere ma tee dimiyo nna adiiniyo binni laakari kaniyom nna wadaata ma te bamei se.

Nyaa nna baabe gonna daama n ma couyo ka n baa fisou n kooyo se.

Asariya waranka cini iyente (27)

Boɗo kulu gonna daama a ma wuro a dimi taada kuna ka a hukumsi.

Bamei gonna daama taadayo kuna a ma a kaayom taago liiba ɗwaa; tila kaayom no, ɗu hoore taago.

Asariya waranka cini iyaakunte (28)

Boɗo kulu gonna daama a ma te hei ka kwaara nna kwaara binni, nuɗu birijiyom ma si. Laakari kaniyom nna boŋo meiyom mo gono zaɗa ka nna beiyani boɗo aduniya daama tila kuna a ma duka bara mooriyante.

Asariya waranka cini egante (29)

Boɗo gonna tilasiyo zamani ka kuna a gono. Zamani di ka kuna a folonku boɗo tere nna a jirima hini ka te.

A daama nna a boŋo meiyom looyom kuna no sariya tikite a se a ma duwa ko boɗo cinniyo daama nna n boŋo meiyom bei n se. Macerese mo gono bamei se.

N su ba hini ka daama nna boŋo meiyo di loo ka na cii zaɗa ka yaasi aduniyakwaara diyayo marigayom na a jisi.

Asariya waranzante (30)

Beiyanियom wo looyom ga siriya fo sii ka a ba nam kwaara fo su safu fo dee bine boɗo ma tunu ka koone ko ceeji ganna zamaa ma daama duuri nna boŋo meiyom di ka n dam tila kuna saabu.